

Jeremias
nhogueronhemboaxya rupi
ijayvuague
Jeremias
nhogueronhemboaxya
lamentações [esta palavra em
português] rupi ijayvuague

Kova'e kuaxia para re ma Jeremias ipy'a vaia rupi ijayvu Babilônia pygua kuery Jerusalem tetã oitypaague re. Ha'e rami teĩ kuaxia mbyte py ma ojerovia etea rupi ijayvuague avi oĩ:

“Mba'eta Senhor nhanemboaxy ramo ma nan-hanemombaai,

mba'eta nhanemboaxya ma opa va'erã e'ŷ.

Opa mba'e py ojeroviapy reiko vy

rexu uka pyau 'rã ko'ẽ nhavõ.

Xejeupe ae aipoa'e: ‘Xevy guarã oĩ va'e ma Senhor ae.

Ha'e nunga rupi arõ tema 'rã hexe', ha'e.

Senhor opena porã 'rã harõa kuery re,

onhe'ẽ py oeka va'e kuery ae.

Ha'eve nharõ Senhor nhandereraa jepe aguã, nhakyrirĩ reve” (3.22-26).

*Jerusalém tetã ombovaipa ha'e oejapaa ague re
ndovy'aaiague*

- ¹ Tetā yma heta riae ikuaiague teī aŷ ma oejapaa
ma!*
 Aŷ ma kunha imeve'ŷ va'e rami opyta,
 yvy regua kuery omboeteve va'ekue ri.
 Amboae tetā ikuai va'e gui huvixa rajy rami
 yvateve va'ekue ri
 aŷ joupe rive ha'e kuery omomba'eapo
 nhea'ãa.
- ² Ojae'o, ojae'o tema okuapy pyávy,
 hexay oxyry tema 'rā hetovape rupi.
 Ndoikoi imbopy'a porãarã
 hembiayvu heta ikuai va'ekue ri.
 Hembiayvu ikuai va'ekue ha'e javi ma anhetē
 rupi e'ŷ oguereko,
 ha'e hovai guarã rive ju ikuai.
- ³ Mba'eta Judá kuery ma escravo-rã ogueraapaa,
 oguereko axya ha'e omomba'eapoa poyi anho
 rei.
 Yvy regua kuery mbyte rupi ikuiaia py
 ndojoui opytu'u aguã voi.
 Ikuai axy reia py
 hakykue monhaa kuery oupitypa ma.
- ⁴ Sião tetā katy tape oo va'e rupi ojae'oa,
 mba'eta ndoikovei ma nhemboaty iky'a e'ŷ
 va'e katy oo va'e.
 Tetā kora rokē ha'e javi ombovaipaa.
 Ha'e pygua sacerdote kuery ipoaẽ rei,
 kunhataĩgue voi iporiaupa okuapy.
 Tetā py ojexavaia anho oendu.
- ⁵ Ha'e rami rã hovaigua kuery ovy'apa rei okuapy,

* **1:1** “Tetā” he'ia ma Jerusalém re ae ijayvu vy, Babilônia pygua
 kuery ombovaipa rire (2 Reis 24-25; 2 Crônicas 36; Jeremias 39, 52).

ija'e'ŷ va'e kuery ikuai porãmba rei,
 ha'e pygua kuery anhetẽ rupi e'ŷ riae ikuai
 ramo
 SENHOR omoingo axy rã oexa vy.
 Ta'y kue'iry voi hovaigua kuery
 omondyi heravy escravo-rã.

⁶ Sião pygua kuery gui oaxapa ma
 iporãa oĩ va'ekue ha'e javi.
 Ha'e py yvatekueve ikuai va'ekue voi
 guaxu ho'u va'erã ndojouvei va'e rami ma
 ikuai,
 ikangypa rei vy ho'apa rive 'rã okuapy
 imonhaa kuery renonde py tei.

⁷ Aŷ mombyry ogueraa ague py ombojexavaia rã
 Jerusalém guigua kuery ima'endu'a 'rã
 okuapy
 om̄ba'e rei-rei oguerovy'a va'ekue re,
 ymave rupi mba'emo oguereko va'ekue re,
 heraa jepearã ndoikoi ramo
 ngovaigua kuery po py ho'apaague re guive,
 ha'e gui ho'a rã hovaigua kuery oexa vy
 ojojai rei okuapyague re.

⁸ Jerusalém pygua kuery ojejavy vaipa ete okuapy.
 Ha'e rami vy ae ojeguaru reipy ikuai.
 Imboeteare kuery ma nonhemoirũvei okuapy
 ipire reia rupi ikuai rã oexa vy.
 Ha'e kuery ae voi ipoaẽ reve
 ojepe'a 'rã okuapy oximba rei vy.

⁹ Ijao re ojekuaa ha'eve'ŷa,
 noexa'ãi guive va'ekue omombaa aguã re.
 Ha'e rami vy oitya rã onhemondyipa rei
 okuapy,
 ha'e avave rei ndoikoi imbopy'a porã jevyarã.

SENHOR, exa ke aiko axya,
 mba'eta hovaigua kuery ijayvu vaive rive
 tema okuapy.[†]

10 Ore kuery mba'e rei-rei roguerovy'ave va'ekue
 ma

orerovaigua kuery ojopy vy ombo'erā ae
 ogueraapa.

Roexa avi yvy regua kuery oike okuapy rā
 rombojeroviaaty iky'a e'ŷ va'e py voi,
 "Nda'evei xevygua kuery ijatya py ha'e kuery
 ikuai avi aguā" aipo're va'ekue ri.

11 Tetā pygua kuery ha'e javi ipoaẽ 'rā okuapy
 tembi'u'i rekaa rupi ikuai vy.

Ombo'e rei-rei ha'e kuery oguerovy'ave
 va'ekue ome'ẽmba ma
 tembi'u ho'u va'erā rekoria, imbaraeteve'i ju
 aguā.

SENHOR, exa ke, eikuua pota guive,
 mba'eta xere nda'ija'eavei ma.

12 Peẽ kuery tape rupi peaxa va'e,

ha'e nunga pexa vy napendui ri ty'y orem-
 boaxy?

Pema'ẽ ha'e peikuua pota.

Oiko 'rā nda'u haxy va'e xee aendu va'e
 ramigua,

xe'áry ou va'ekue ramigua ete?

Mba'eta SENHOR opoxya oexa ukaa ára xe-
 moingo axy avi.

13 Ha'e rami vy yvate gui tata ombou xekāgue ikuai
 va'e re
 ipo'aka ete vy.

[†] 1:9 Jeremias "Aiko axya" he'i mba'eta ha'e ae voi opyta Judá
 yvy re Babilônia pygua kuery ndogueraapai va'ekue reve (Jeremias
 40.1-6).

Ha'e gui xepy rupi ju kya omoī va'e py
 xerakykue katy gui xemoatā vy xereity.
 Ha'e rami vy xemomba tema heravy,
 xemomba'eaxy ko'ẽ nhavõ.

- ¹⁴ Ajejavyague ma opo py ae ojokua vy
 ojapo xe-cangarã rami.
 Ha'e vy oipopẽ va'ekue xeaju'y rupi peve ovaẽ.
 Ha'e rami py SENHOR omomba ma xem-
 baraetea,
 xemboaxa guive xegui ipo'akave va'e kuery
 po py.

- ¹⁵ SENHOR omaĩmba avi ma ipy'a guaxukueve
 xereve ikuai va'ekue.
 Ombou reta xerovai ono'õ va'erã,
 xea pygua kunumigue omou'ũmba avi aguã.†
 Kunhataĩ'i rami Judá pygua kuery ndojexavai
 va'ekue ri
 SENHOR opyrõ ukapa uva omou'ũaty py rami.

- ¹⁶ Ha'e nunga re ae xee ajae'o,
 xerexay gui xerexa ndoexavei.
 Xegui ojepe'a ma xembopy'a guaxuarã
 xembaraete ombopyau 'rã va'ekue.
 Xera'y kuery voi ojexavai reia rupi ikuai,
 hovaigua ipo'aka ramo.

- ¹⁷ Sião pygua kuery opo oupi teĩ
 avave rei ndoikoi ipytyvõarã.
 Mba'eta Jacó regua kuery re SENHOR ijayvu
 rire
 ha'e katy'i rupi ikuai va'e hovaigua ju ikuai.
 Ha'e ramo Jerusalém tetã pe ha'e kuery
 "Ha'eve'ŷ va'e" he'i okuapy.

† **1:15** Apy “Xee” he’ia ma Jerusalém ae ijayvua rami Jeremias
 ijayvu vy, ojee e'ŷ.

18 Ha'e rami avi SENHOR ma heko porã va'e,
 ha'e rã xee ma nanhe'ẽ renduxei va'ekue.
 Peẽ yvy regua kuery ha'e javive, pendu ke,
 pema'ẽ guive haxy aendu va'e re.
 Xea pygua kunhataĩgue ha'e kunumigue
 ogueraapaa ma escravo-rã.

19 Xeirũ kuery aenoĩ
 teĩ ha'e kuery xembotavy.
 Xea pygua sacerdote ha'e nhomongeta va'ety
 kuery voi
 omanomba tetã rupi,
 tembi'u rekaa rupi ikuai vy
 imbaraetepa'i ju aguã.

20 Ema'ẽ SENHOR, mba'eta xee ajexavai.
 Xenhe'ẽ py nda'evei ete aikovy,
 xekuraxõ py ndaxerekorãvei ma xeryepy
 rupi,
 opa mba'e py noronhe'ẽ rendui rire.
 Oka rupi xera'y kuery ojukapaa kyxé py,
 ha'e rã opy rupi ma mano anho oiko.

21 Xepoaẽa onhendu
 teĩ avave rei ndoikoi xepytyvõarã.
 Mba'emo vai aendua xere ija'e'ŷ va'e kuery
 oikuaa vy
 ov'y a reipa okuapy, ndee xemoingo axy ramo.
 Ha'e rami avi ára ndeayvuague ovaẽ ramo
 xee aiko axya rami avi ha'e kuery voi ikuai
 axy'rã.

22 Tove ha'e kuery ojejavyague tojekuaapa
 nerenonde.
 Ereko ha'e kuery voi xere rejapoague rami,
 xee anhetẽ rupi e'ŷ aikoa py.
 Mba'eta xepoaẽ vaipa ete,

xe kuraxõ opa rai'i ma.

2

*“SENHOR gui ae ou Sião pygua ikuai axy aguã”,
he'iague*

¹ Arai rami SENHOR ojao'i Sião pygua kuery opoxya py.

Yva gui oity Israel kuery po'akaa yvy py,
Opoxya oexa ukaa ára ovaẽ ramo
na'ima'endu'avei ipy renda oĩ va'ekue re.*

² Ha'e rami vy SENHOR omboaxy e'ŷ re
omboavaipa Jacó regua kuery rekoa ha'e javi.
Opoxya rupi oity

Judá kuery ro ikorapa va'ekue.
Yvy rupi oitypa, nombovarevei ae
yvatekueve ha'e openaague.

³ Opoxya py omomba Israel kuery po'akaa ha'e
javi.

Hovaigua kuery ou teĩ omboapu'a ju oiporu
kuaa regua.

Ha'e vy Jacó kuery rovai imoendyarã ombou
tata rendy vuku ijyvýry rupi oapypa va'erã.

⁴ Ha'e kuery re oipira guapa hovaigua rami.

Hovaigua rami ete onhemomburu oiporu
kuaa regua re.

Ha'e vy omokanhymba iporã va'ekue ha'e
javi.

Tata rami opoxya omonhemboja Sião tekoa
áry.

⁵ Hovaigua rami SENHOR oiko vy

* **2:1** “Ipy renda” he'iá ma Jerusalém py templo oĩ va'ekue re ijayvu vy (Salmo 132.7).

omokanhymba Israel kuery.
 Ombovaipa huvixa kuery ro ha'e javi,
 oo ikorapa va'ekue oitypa.
 Ha'e vy Judá kuery ikuaiia py omboetave tema
 ojae'o ha'e ipy'a vai va'e.

- ⁶ Ojeupagua templo voi ombovaipa vyvoi
 mba'emo rogue'i onhotŷ mbyre rami rive.
 Ombovaipa ojeupagua kuery ombojerovi-
 aaty.
 SENHOR ojapo orerexaraipa aguã rami
 Sião py ngaru rojapo ha'e sábado ára rom-
 boeteague re.
 Opoxya rupi omboyke avi
 huvixa ha'e sacerdote ikuai va'ekue.
- ⁷ SENHOR ndoipotavei ojeupagua altar,
 ojeupagua oo iky'a e'ŷ va'e ndojou porãvei vy.
 Hovaigua kuery po py omboaxa
 oo tuvixakueve kora.
 Ha'e ramo SENHOR pegua opy rupi ha'e kuery
 ojapukai okuapy
 ngaru oikoa ára py rami.
- ⁸ SENHOR ojee omoĩ avi
 Sião tetã kora ombovaipa uka aguã.
 Ha'e rami vy omoatã uka ixã mba'emo a'ãarã,
 ndoipe'ai guive opo ombovaipa e'ŷa ja.
 Ojapo kora ha'e imbotya opurupa rei aguã
 rami,
 ha'e nunga ha'e javi ikangypave ovy.

- ⁹ Kora rokẽ voi oitypa yvy rupi.
 Okẽ jokoa voi omopẽ, omboa'ypa ete.
 Ha'e pygua huvixa ha'e yvatekueve reve ma
 yvy regua ikuaiia rupi rive ikuai,
 lei oikuua e'ŷ va'e ikuaiia rupi,

ha'e profeta kuery pe ma SENHOR ndoexa
ukavei mba'eve.

¹⁰ Sião pygua nhomongeta va'ety kuery ma
okyririmbá reve oguapy okuapy yvy py.
Oakā re omoí okuapy yvy ku'i,
ajukue vaikue py rive onhemonde reve.
Jerusalém pygua kunhataígue voi
oakā oity okuapy yvy peve.

¹¹ Xerexay py rive xerexa nda'evevei ma,
xenhe'ẽ py ndaxerekorãvei aikovy,
xekuraxõ voi ojero'a oiny aiko axy ramo,
xevyguia kuery omombaa ague re xepy'a vaia
py.
Mba'eta kyrígue okambu'i va'e voi omanomba
tetã rupi tape ikuai va'e rupi.

¹² Oxy kuery pe kyrígue aipoe'i:
“Mamo nda'u jajou 'rã mbojape ha'e vinho?”
he'i okuapy teĩ tetã rupi tape ikuai va'e rupi,
ha'e rami teĩ kyxe gui rami ho'apa okuapy,
ha'e rami e'ŷ vy oxy kuery jyva áry oĩ reve
onhe'ẽ oeja ový.

¹³ Ndee Jerusalém pygua, marã rami tu xee rom-
bovai ta?
Ndee Sião pygua, mba'e nunga re tu rombo-
joja 'rã,
mava'e re tu romboje'a 'rã rombopy'a porã
aguã?
Mba'eta nemombaarã ou va'e ma ye'ẽ rami
tuvixa.
Mava'e tu nepytyvõ 'rã?
¹⁴ Ndea pygua profeta kuery ma ndevy pe
omombe'u

oexa ra'u va'ekue ramigua mba'eve ovare'ŷ
 va'e.
 Ha'e rã ndereko vaia re ma ha'e kuery
 nda'ijayvui
 nemoingo porã ju aguã.
 Ha'e rami 'rãgue py oexa ra'u va'ekue ramigua
 rive omombe'u vy
 ojapo escravo-rã ndereraa aguã rami.

15 Ha'e nunga rupi tape rupi oaxa va'e kuery ma
 ojepopete ha'e oakã ombovava reve oje'oi
 Jerusalém pygua kuery ojojai rei vy.
 “Peva'e tetã pe teve ‘Pavẽ gui iporãve va'e,
 yvy jave regua oguerovy'a va'e’, ‘ea va'ekue?’”
 he'i oje'oivy.

16 Ndere ija'e'ŷ va'e kuery
 ojuru oipe'a 'rã nderovai,
 ndejojai rei reve haĩ jekyty rei 'rã okuapy.
 Ha'e vy aipoe'i 'rã: “Nhamondoropa ke.
 Anhetẽ ete, kova'e ára ae nharõague.
 Ojeupity rã jaexa ma”, he'i okuapy.

17 Mba'eta SENHOR ae ojapo onhembopy'aague.
 Yma guive nderovai ijayvuague
 ojapo ojeupitypa aguã rami.
 Ha'e rami vy nemboaxy e'ŷ re ndereity.
 Ojapo nderovaigua kuery ndere ov'y'apa rei
 aguã rami,
 ha'e kuery ombopo'akapave vy.

18 Jerusalém pygua kuery okuraxõ py ojapukai
 okuapy SENHOR pe.
 Ndee Sião tetã kora,
 nderexay toxiry yakã'i rami,
 ara py ha'e pyávy.

Epytu'u eme, nderexa topytu'u eme ojae'oa
gui.

- 19** Epu'ã ke, ejapukai pyávy
ptyú ypy'i ramove.
SENHOR renonde enhoẽ yy rami ndepy'a re oĩ
va'e.
Ixupe eupi ndepo nderay ha'e nderajy kue'iry
rekove re.
Mba'eta ha'e kuery ma karuai gui rive ho'apa
okuapy
tape ikuai va'e ha'e javi rupi.
- 20** Ema'ẽ SENHOR, ha'e eikuua pota
marã ramigua kuery ha'e rami ete remoingoa
re!
Mba'eta kunhague ho'u 'rã teve oikuavã
va'ekue ae,
omemby kuery oayvua'i rupi oguereko
va'ekue?[†]
Ha'e rami e'ŷ vy SENHOR pegua oo iky'a e'ŷ va'e
py
ojukapaa 'rã teve sacerdote ha'e profeta
kuery?
- 21** Mba'eta kunumigue ha'e tujakue'i re'õgue
yvy rupi ikuai tape ikuai va'e rupi.
Xea pygua kunhataígue ha'e kunumigue
ojukapaa kyxe py.
Ndee ae ma rejuka uka ndepoxya ára py.
Remboaxy e'ŷ re rejuka uka.

- 22** Opa rupi gui rembou xemongygearã,
ndevygua nhemboaty oikoa py rami.
SENHOR opoxya oexa ukaa ára ma

[†] **2:20** Ha'e nunga ae oiko tetã ojokopaa rã. Tembi'u oata rã ix y
kuery ho'u omemby kuery ae (Jeremias 19.9; Levítico 26.29).

ndoikoi oo jepe va'e neĩ opyta va'erã.
 Mba'eta hovaigua kuery omomba ma
 xee ayvua'i rupi amongakuaa va'ekue.

3

Ojexavaia re ijayvuague

- 1 Xee ma ava jexavai aendu va'ekue
 Nhanderuete opoxya rupi yvyra po'i'i ombou
 rã.
- 2 Mba'eta xereraa vy ojapo karamboae pytũ rupi
 aiko aguã,
 hexakãa rupi e'ŷ.
- 3 Mbovykue rei e'ŷ xerovai omoĩ opo,
 ára pukukue re.
- 4 Omoxorĩmba xero'o, xepire voi.
 Xekãgue omopẽmba guive.
- 5 Xerovai omopu'ã xejokoarã kuery.
 Veneno ha'e haxy va'e py ae xejoko.
- 6 Ojapo pytãa py xerekoa aguã rami,
 raka'e rã peve guarã omano va'ekue rami.
- 7 Kora py xejoko rã nda'evevei ma aẽ aguã.
 Corrente overa va'e guigua py xejokua.
- 8 Ajerure ha'e ajapukai teĩ
 noendui anhembo'ea.
- 9 Ita guaxu omoatyrõ mbyre py ojopia xerape,
 omokarẽ rei guive.
- 10 Xerarõ oiny ursa oma'ẽ mbegue va'e rami,
 ha'e xivi onhemi oiny va'e rami avi.
- 11 Ha'e rami vy xerape gui xepe'a xapy'a vy xem-
 boa'ypa.
 Ombovaipa pyre rami xereja inony.
- 12 Guapa oipira vy
 xemoĩ guembiarã.

- ¹³ Xekuraxõ re oipyxo
ngu'y hyru guigua py.
- ¹⁴ Xeapo xeretarã kuery ha'e javi xejojai aguã rami.
Ára pukukue re xembojaru rei okuapy.
- ¹⁵ Jexavaia re anho xemongaru,
xevy ho'u uka reta haxy va'e.
- ¹⁶ Xeapo ita ra'y re xeraĩ amopẽmba aguã rami.
Xeo'i tanhimbu py rive.
- ¹⁷ Xenhe'ẽ gui oipe'a aiko porã aguã va'ekue.
Ha'e ramo xerexarai iporã va'e aexaague re.
- ¹⁸ Ha'e rami vy “Opa ma xeporãague,
SENHOR aarõague voi”, ha'e.
- ¹⁹ Nema'endu'a nho ajexavaia ha'e ajae'o aikovya re,
haxy va'e ha'e veneno ay'u va'e re guive.
- ²⁰ Xee ma ha'e nunga re xema'endu'a riae aikovy xenhe'ẽ py.
Ha'e ramo xeryepy rupi xenhe'ẽ nda'evei ju.
- ²¹ Ha'e rami teĩ xema'endu'axe ju
pova'e nunga arõ aikovy va'e re.

Nhanderuete omboaxya rupi oipytyvõ aguã re ojerureague

- ²² Mba'eta SENHOR nhanemboaxy ramo nanhanemombaai,
mba'eta nhanemboaxy ma opa va'erã e'ŷ.
- ²³ Opa mba'e py ojeroviapy reiko vy
rexia uka pyau 'rã ko'ẽ nhavõ.
- ²⁴ Xejeupe ae aipoa'e: “Xevy guarã oĩ va'e ma SENHOR ae.
Ha'e nunga rupi arõ tema 'rã hexe”, ha'e.
- ²⁵ SENHOR opena porã 'rã harõa kuery re,
onhe'ẽ py oeka va'e kuery ae.

- 26 Ha'eve nharõ SENHOR nhandereraa jepe aguã,
nhakyrirĩ reve.
- 27 Nhandevy pe ha'eve
nhanekunumi teri reve canga jexavaia regua
jaropo'aka kuua.
- 28 Ha'e rami vy tajaguapy nhande ae'ia py, tan-
hakyrirĩ nhainy,
mba'eta ha'e va'e canga ae nhandere Nhan-
deruete omoĩ va'e.
- 29 Tajajero'a nhanderova yvy ku'i re omovaẽ peve.
Xapy'a rei ma oiko nho 'rã nharõ jaikovy
va'ekue.
- 30 Tanhaunga uka nhanderova nhaneungaxe va'e
pe.
Tanzaendu rive opa marã nhandejojai reia
teĩ.
- 31 Mba'eta SENHOR ma
nanhandereja riae'i 'rã.
- 32 Xapy'a rei nhanemomboriau ranhe teĩ
nhomboaxy ete va'e vy oexa uka nho 'rã
nhanemboaxya.
- 33 Mba'eta nhomoingo axyxreia py e'ŷ
ombojexavai avakue ra'y kuery.
- 34 Xapy'a rei amongue opyrõ imoiny 'rã
nhuã py ikuai va'e re,
- 35 ha'e rami e'ŷ vy Yvate ete va'e renonde teĩ
ha'eve'ŷa rami oikuaa pota 'rã joe,
- 36 ha'e rami e'ŷ vy avakue ojerure rã oendu rive
'rã,
teĩ SENHOR ndoexai 'rã teve ha'e rami oikoa?
- 37 Mava'e ayvu rupi rive tu mba'emo oiko 'rã,
SENHOR omoingo e'ŷ rã?
- 38 Yvate ete va'e gui nda'u ndoikoi 'rã ri
mba'emo vai ha'e iporã va'e?

- 39 Mba'e re tu ha'vy avakue imarã va'e ndojou
 porãia rupi ijayvu,
 ojejavyague re ombopaga rã?
- 40 Jaikuua pota ke jaikoa re ae.
 Ha'e gui jaikuua porã ma vy jajevy ke SENHOR
 pe.
- 41 Nhandepo jaupi reve ke nhanekuraxõ voi jaupi
 Nhanderuete yva re oĩ va'e pe. Ha'e vy aipo
 ja'e:
- 42 “Rojejavy, noronhe'ẽ rendui guive ramo
 ndee ma ndoreperdoai teri.
- 43 Ndee ma ndepoxya py oreao'i reve orerakykue
 monha.
 Oremboaxy e'ŷ re oremokanhymba.
- 44 Arai py renhemi
 ndea py peve ronhembo'ea onhendu e'ŷ aguã.
- 45 Yty omombo pyrã rami rive oremoingo
 yvy regua kuery ikuiaia rupi.
- 46 Orerovai orerovaigua kuery ha'e javi
 oipe'a okuapy ojuru.
- 47 Ore'áry ou ndorerekorãvei aguã ha'e yvykua py
 orembo'aarã,
 orereityarã ha'e oremokanhymbaarã.”
- 48 Xeretarã kuery omokanhymbaa rã
 xerexay oxyry atã ete.
- 49 Xerexa ojae'o tema.
 Ndopo'oi, ndopytu'ui 'rã guive
- 50 SENHOR opena e'ŷa ja,
 ha'e yva gui oexa pota peve.
- 51 Mba'emo aexa va'e gui xeporiau xenhe'ẽ py,
 kunhague xeretã rupi ikuai va'e re mba'emo
 oiko va'ekue káuxa.
- 52 Mba'e re'ŷ xerovaigua kuery

- xejukaxe okuapy guyra'i rami rive.
- 53 Xemombaxe vy xemombo yvykua py,
ha'e ita py xeapipa.
- 54 Xeakā áry rupi yy oxyry atã ouvy.
Ha'e ramo "Akanhy ta ma!" ha'e.
- 55 Ha'e gui ma SENHOR, yvykua pukuvea py aĩa gui
ajapukai nderery rupi.
- 56 Ha'e ramo ndee rendu xeayvua.
Emboty eme ndeapyxa ajae'oa ha'e ajapukaia
gui.
- 57 Ndevy pe ajapukaia ára ndee ae renhemboja
xere.
Ha'e rami vy xevy pe "Ekyje eme" 're.
- 58 SENHOR, xerekove re reikuua pota vy
xereraa jepe va'ekue aikove aguã rami.
- 59 SENHOR, rexâ reiny ha'eve'ŷa rami xerereko
okuapyague.
Eikuaa pota 'rãgue xere!
- 60 Rexapa xeapo vai okuapya
ha'e xerovai onhembopy'aa ha'e javi.
- 61 SENHOR, rendu xere ijayvu rei okuapy rã,
xerovai onhembopy'aa nhavõ,
- 62 xerovaigua kuery xerekokue ramigua rive
omombe'u rã,
ha'e ára pukukue re xere ijayvu mbegue rei
okuapy rã.
- 63 Exa pota tema ha'e kuery re, oguapy ha'e opu'ã
ju ramo.
Mba'eta xembojaru rei rive okuapy.
- 64 SENHOR, ndee rembopaga 'rã
opo py mba'emo ojapoague re.
- 65 Remopytũmba 'rã ha'e kuery py'a,
ha'e kuery re rembou 'rã ayvu vai.

66 Ndepoxya py remonha 'rã heravy.

Ha'e rami vy remokanhymba 'rã ndevyguia
yva guy gui.

4

Tetã ojokopaa jave ikuai axya re ijayvuague

¹ Mba'exa vy nda'u ouro oĩ va'ekue huũmba?

Mba'exa vy tu ouro ombovera pyre ndover-
avei?

Ha'e rami ae avi oo iky'a e'ŷ va'e re ita ikuai
va'ekue

omoaĩmbaa tape joaxa-axaa ha'e javi rupi!

² Mba'eta Sião pygua yvatekueve ma

ouro oiky'a'o pyre rami ikuai va'ekue ri
aŷ ma ha'e kuery pe "Yapo guigua rive" 'ea,
nhae'ũ re ombo'epo va'e rembiapo ramigua!

³ Jagua-tuvy nhe'ẽ minha omokambu 'rã gua'y
kue'iry.

Ha'e rã xeretarã kuery ma porayvu ve'ŷ ma
ikuai

guyra-nhandu tekoa e'ŷa rupigua rami.*

⁴ Ha'e ramo kyrigue okambu va'e apekũ ipirupa
ma,

ijy'uvei gui oja ijuru re.

Kyrigue mbojape re ojerurea rupi ikuai
teĩ avave rei nome'ẽai 'rã.

⁵ Tembi'u porã re okaru va'ekue ma
ho'apa 'rã okuapy tape rupi.

Onhemonde porãa rupi ikuai va'ekue ma
yty rupi rive ikuai.

* **4:3** Guyra-nhandu ma ombo'a ma vy ngupi'a oeja rive 'rã (Jó 39.13-18).

- ⁶ Sodoma tetā minha xapy'a'i py omokanhymbaa
raka'e
avave po py e'ŷ.
Ha'e rami teĩ Sodoma pygua kuery
ojejavyague gui voi
xeretarā kuery ojejavyve va'e ikuai.
- ⁷ Mba'eta yvatekueve ma yro'y ha'e kamby gui
xiîve va'ekue,
ita coral va'e gui ipire pytāve va'ekue,
ha'e ita safira rami iporā va'ekue ri
- ⁸ aŷ ma hova tapyī gui ete huûve va'e.
Tape rupi ooa rupi avave rei ndoexa kuaavei.
Ipire ma ojapa ikāgue re,
yvyra rakā rami ipirupa va'e vy.
- ⁹ Mba'eta karuai gui omano va'e kuery gui
ovy'ave kyxe py ojukapy.
Mba'eta ndokarui va'e ma mbeguei'i opa
oje'oivy.
Ho'u va'erā mba'ety rupi ndoikovei ramo
omano tema 'rā oje'oivy.
- ¹⁰ Kunhague ymave rupi porayvu va'ekue ri
aŷ ma opo py ae omomimoï 'rā omemby
kuery.
Ha'e kue'iry re ae 'rā okaru
xeretarā kuery omokanhymbaa ramo.
- ¹¹ SENHOR opoxya rupi oiko vy
ombou opoxya nhomoendyarā.
Sião re tata omonhemboja vy
ijyta peve oapypa.
- ¹² Yvy regua ruvixa kuery ha'e yvy re ikuai va'e
ha'e javi
ndogueroviai okuapy omombe'ua rā

Jerusalém rokẽ rupi hovaigua kuery oikepa maague.

- 13 Ha'e va'e oiko ha'e pygua profeta kuery oje-javyague re,
sacerdote kuery ojapo vaiague re guive,
mba'eta tetã mbyte rupi
omoẽ okuapy heko porã va'e ruguy.
- 14 Ha'e kuery ma ára reveguia e'ŷ rami oguata rei tape rupi,
tuguy omoẽ va'ekue py iky'apa va'e ikuai,
ha'e ijao re ma voi avave rei ndovyxéai.
- 15 Ha'e kuery pe ojapukaia: “Ha'eve'ŷ va'e kuery,
pejepé'a ke!
Pejepé'a ke, pexyry ke, pepoko eme orere!”
Ha'e ramo ojava oje'oivy, ha'e ovaẽa py rei
ha'e kuery pe yvy regua kuery
“Apy ma nda'evei ae pendekuai aguã.”
- 16 Mba'eta SENHOR ae omoã imondovy opoxya rupi.
Ha'e rami vy nopenavei ma ha'e kuery re.
Hovaigua kuery katuve ma nomboetei 'rã sacerdote kuery,
ha'e nhombooxya rupi e'ŷ 'rã oguerekó nhomongeta va'ety kuery.
- 17 Ha'e gui ma ore kuery rexâ ikangypa ma orepytyvõarã ou va'erã re roma'ena vy tei.
Roikuua potaaty py roarõ reve roma'ẽ tema peteĩ regua orereraa jepe va'erã re tei ndoui ae.
- 18 Orerovaigua kuery ma orekuiaia rupi oma'ẽ mbegue okuapy ramo

oreretā mbyte rupi orekuai aguā voi
nda'evevei.
Ropa aguā ovaē rai'i ma,
ore'ára ojeupity ma,
aŷ ovaē ma ropa aguā ára.

- ¹⁹ Oremonhaa kuery ma
guyra yvate rupi oveve va'e gui inhakuāve
va'e.
Yvyty ikuai va'e áry rupi ete oremonha,
tekoā e'ŷa rupi voi nhuā omoī okuapy
orembo'a aguā.
- ²⁰ Ha'e gui oreruvixave orerekombo'earā SENHOR
omoī va'ekue ae
ombo'a ma okuapy nhuā py.
Ixupe ma ore kuery "Nekuaray'ā py 'rā
orekuai
yvy regua kuery mbyte rupi teĩ", ro'e va'ekue
ri.
- ²¹ Peẽ Edom pygua kuery Uz yvy re pendekuai
va'e,
orejojai tema, pevy'a rei tema 'rā orere.
Ha'e rami avi pendea py voi 'rā omboaxaa
kova'e karo.
Ha'e ramo peka'upa vy pendepire reipa 'rā
peikovy.
- ²² Ha'e rā peẽ Sião pygua kuery, opa ma pendeko
vaiague re penembopagaague.
SENHOR napendereraa ukavei ma 'rā escravo-
rā.
Ha'e rā peẽ Edom pygua kuery, araka'eve rā
ojekuaapa 'rā
pendeko vaia ha'e pejejavyague.

5

“Oremboaxy ke” he’iague

- 1 SENHOR, nema'endu'a ke mba'emo vai orere oiko va'ekue re.
Eikuaa pota ha'e ema'ẽ roiko axya re.
- 2 Oreyvyrã reme'ẽ va'ekue oaxapa ma amboae regua kuery pe,
orerogue voi amboae yvy guigua kuery pe ju oaxa.
- 3 Ore kuery ma tyre'ŷ tuu ve'ŷ va'e rami orekuai.
Ha'e rã orexy kuery ma imeve'ŷ va'e ikuai.
- 4 Yy roy'u va'erã ma peráta re rive 'rã rojogua,
yxakã voi peráta re anho 'rã rojou.
- 5 Orerakykue monhaa kuery ma oreaju'y re ma ikuai.
Orekane'õ ma teĩ ropytu'u aguã voi noĩ.
- 6 Egito ha'e Assíria pygua kuery pe rojejopy uka ro'u va'erã rojou aguã teĩ.
- 7 Oreru kuery ma ojejavypa rire jipovei ma.
Ha'e gui ore kuery ju 'rã roiko axy ha'e kuery ojapo vaiague re.
- 8 Escravo kuery rive 'rã ipo'aka orere.
Ndoikoi avave rei ha'e kuery po gui orereraa jepe va'erã.
- 9 Rojeayvu e'ŷkue py 'rã rojou ro'u va'erã,
kyxe tekao e'ŷa rupi oguerekva'e gui.
- 10 Karuai roendu vaipa ramo
oreppire ma tata kua rami hakupa rei.
- 11 Sião py oguero'apaa kunhague ikuai va'e,
kunhataïgue guive, Judá tetã ikuai va'e rupi.
- 12 Hovaigua kuery ojyryvipypa yvatekueve
va'ekue,
tujakue'i voi ojou vy ombojaru rei okuapy.

- 13 Ha'e rã kunumigue ma ogueraa 'rã mba'emo
 mongu'ia py ombo'eapo aguã,
 avakue'i voi yxakã re ombovoyi rã onhep-
 yxanga rive oje'oivy.
- 14 Ha'e ramo nhomongetaa rupi ikuai va'ekue ma
 ndoguapyvei ma tetã kora rokẽ py,
 kunumigue ndoporaeivei ma guive.
- 15 Rovy'aague okanhymba ma orekuraxõ gui.
 Rojeroky 'rãgue py mboriau anho rei roendu.
- 16 Oreakã gui ho'a ma akã regua oĩ va'ekue.
 Nda'evei ete orevy, rojejavy rire!
- 17 Ha'e nunga rupi ae orekuraxõ py oremba'eaxy,
 ndorerexa pyxoveipa guive.
- 18 Sião yvyty ombovaipaa rire
 mbyku anho ikuai ha'e rupi.
- 19 Ha'e rã ndee SENHOR, ndepo'aka riae 'rã.
 Tenda repenaaty oĩ 'rã raka'e rã peve guarã.
- 20 Mba'e re tu riae ta ri nderexarai orere?
 Mba'e re tu remboare oreptytvõ aguã?
- 21 SENHOR, orerekro rerova ju ke ndejeupe guarã.
 Ha'e ramo 'rãe rojeko rerova.
 Embopyau ju ore'ára yma guare rami.
- 22 Mba'e re tu orerejapa ete ri?
 Mba'e re tu ndepoxy anho ta ore kuery rovai?

Nhanderuete ayvu iky'a e'ŷ va'e New Testament in Guaraní, Mbyá

copyright © 2004 Wycliffe Bible Translators, Inc.

Language: Mbyá Guaraní (Guaraní, Mbyá)

Translation by: Wycliffe Bible Translators, Inc.

Copyright Information

© 2004, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 853110565X

The New Testament

in Guaraní, Mbyá

© 2004, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
3309fa3b-7590-5ae9-b829-5df4ddfbf957